

**An Bhruiséil, 12 Meán Fómhair 2025  
(OR. en)**

**12638/25**

**FIN 1054  
INST 254  
PE-L 29**

## **NÓTA MAIDIR LE MÍR "I/A"**

|                           |                                                                                                                                                |
|---------------------------|------------------------------------------------------------------------------------------------------------------------------------------------|
| ó:                        | Ardrúnaíocht na Comhairle                                                                                                                      |
| chuig:                    | Coiste na mBuanionadaithe/An Chomhairle                                                                                                        |
| Uimh. an doic. ón gCoim.: | 12246/25                                                                                                                                       |
| Ábhar:                    | Aistriú leithreasuithe Uimh. DEC 13/2025 laistigh de Roinn III – an Coimisiún – den bhuiséad ginearálta do 2025 – Formheas – Formheas litreach |

1. An 26 Lúnasa 2025, chuir an Coimisiún faoi bhráid na Comhairle an togra maidir le haistriú leithreasuithe Uimh. DEC 13/2025, i gcomhréir le hAirteagal 31(1) den Rialachán Airgeadais<sup>1</sup>.

Is é is cuspóir don togra seo EUR 825 000 i leithreasuithe faoi chomhair gealltanais agus EUR 325 000 i leithreasuithe faoi chomhair íocaíochtaí a aistriú ó Airteagal 30 02 02 (*Leithreasuithe difreáilte*) go hAirteagal 08 05 01 (*Creat rialachais a bhunú le haghaidh gníomhaíochtaí iascaireachta a dhéanann soithí iascaireachta de chuid an Aontais in uisce tríú tíortha*), mar a leagtar amach in 12246/25.

---

<sup>1</sup> Rialachán (AE, Euratom) 2024/2509 ó Pharlaimint na hEorpa agus ón gComhairle an 23 Meán Fómhair 2024 maidir leis na rialacha airgeadais is infheidhme maidir le buiséad ginearálta an Aontais (athmhúnlú) (IO L, 2024/2509, 26.9.2024, ELI: <http://data.europa.eu/eli/reg/2024/2509/oj>).

2. Is é is aidhm don aistriú sin oibleagáidí airgeadais 2025 a chumhdach a eascraíonn as an bPrótacal Cur Chun Feidhme nua a ghabhann leis an gComhaontú Comhpháirtíochta Iascaigh idir an tAontas Eorpach agus Poblacht Dhaonlathach São Tomé agus Príncipe (2025-2029).
3. Scrúdaigh an Coiste um an mBuiséad an togra maidir le haistriú ag an gcruinniú a bhí aige an 12 Meán Fómhair 2025.
4. Tar éis an scrúdaithe sin, chomhaontaigh an Coiste um an mBuiséad, trí thromlach cáilithe, a mholadh go molfadh Coiste na mBuanionadaithe don Chomhairle an méid seo a leanas a fhormheas:
  - an togra maidir le haistriú leithreasuithe atá beartaithe, mar a leagtar amach in 12246/25 é; agus
  - an dréachtlitir a leagtar amach san IARSCRÍBHINN a ghabhann leis an nóta seo.

---

**DRÉACHTLITIR**

ó: Uachtarán na Comhairle

chuig: Uachtarán an Choimisiúin

cóip: Uachtarán Pharlaimint na hEorpa

A Uachtarán,

I gcomhréir le hAirteagal 31(6) den Rialachán Airgeadais an 23 Meán Fómhair 2024<sup>1</sup>, cuirim in iúl duit leis seo gur cheadaigh an Chomhairle aistriú leithreasuithe Uimh. DEC 13/2025 laistigh de Roinn III - an Coimisiún - den bhuiséad ginearálta do 2025.

(Clabhsúr dea-mhéine).

---

---

<sup>1</sup> Rialachán (AE, Euratom) 2024/2509 ó Pharlaimint na hEorpa agus ón gComhairle an 23 Meán Fómhair 2024 maidir leis na rialacha airgeadais is infheidhme maidir le buiséad ginearálta an Aontais (athmhúnlú) (IO L, 2024/2509, 26.9.2024, ELI: <http://data.europa.eu/eli/reg/2024/2509/oj>).